

Aðalfundur LSG 23. maí 2018

Fundarstjóri: Jón Freyr Þórarinsson

1. Ingvi Stígsson, formaður LSG, lagði fram tillögu að breytingu á fundargerð aðalfundar 2017 utan dagskrár sem yrði bætt aftan við aðfundargerðina, sjá *viðauka 1*. Um var ræða tillögu Helga Þorvarðssonar frá aðalfundinum 2017. Tillagan var samþykkt mótatkvæðalaust.
2. *Skýrsla stjórnar*
Ingvi Stígsson, formaður LSG, flutti skýrslu stjórnar LSG. Sjá meðfylgjandi skýrslu stjórnar í *viðauka 2*.
3. *Lagðir fram endurskoðaðir ársreikningar*
Margrét Katrín Guðnadóttir, gjaldkeri LSG, flutti skýrslu gjaldkera, sjá reikninga í *viðauka 3*. Þá fór hún yfir hverjir geta orðið félagsmenn í LSG.
4. *Umræður um skýrslu stjórnar og ársreikninga*
Helgi Þorvarðsson tók til máls og bað um að fundargerð stjórnarfundar nr. 2 yrði varpað upp. Hann óskaði eftir skýringum á því hvers vegna einungis niðurstöður væru birtar í fundargerðum stjórnar en ekki umræður. Ingvi, formaður LSG, vísaði til fundargerða Alþingis og fundargerða sveitarstjórna. Helgi bað um að fundargerð stjórnarfundar nr. 1 yrði varpað upp. Helgi var með spurningar um lið 5 þar sem voru engar niðurstöður og óskaði eftir að umræður birtust almennt í fundargerðum stjórnar LSG. Helgi gerði einnig athugasemdir við að það vantaði fylgiskjöl við fundargerðir sem væru á vef LSG. Helgi spurði jafnframt af hverju fundargerðir Hornstrandanefndar vantaði á vef LSG. Helgi velti fyrir sér hvort ekki mætti nýta fulltrúa LSG í Hornstrandanefnd til að koma fundargerðum Hornstrandanefndar á vef LSG.

Margrét, gjaldkeri LSG, taldi óvissu um hvort stjórn LSG væri heimilt að birta fundargerðir Hornstrandanefndar.

Sigrún Þorvarðsdóttir bað um orðið: Hún velti upp afleiðingum þess að koma fundargerðarbókum fyrir á Þjóðskjalasafninu. Yrði þá ekki málið orðið opinbert og fundargerðabækur stjórnar þar með opnar öllum félagsmönnum? Fram kom að ekki er búið að taka ákvörðun um hvenær fundargerðarbækur fari á Þjóðskjalasafnið.

Matthildur Guðmundsdóttir, fyrrv. ritari LSG, bað um orðið. Hún ritaði fundargerðir stjórnar LSG í 20 ár. Hún tók ekki í mál að þessar fundargerðir yrðu birtar á vef LSG. Hún hefði skrifað þær öðruvísi ef þær hefðu verið ætlaðar til birtingar með þeim hætti. Úrdráttur úr þessum fundargerðum væri ávallt birtur í aðalfundargerð. Hún vísaði í ótal félög þar sem ekki væri gerð krafa um að fundargerðir stjórna væru birtar á opinberum vettvangi. Matthildur óskaði eftir að stjórn LSG birti ekki eldri fundargerðir á vef LSG eins og þær eru ritaðar nema hún fengi að lesa þær yfir fyrst. Svona gildi ekki afturvirk. Þeir sem hafi áhuga á fundargerðunum gætu snúið sér til Þjóðskjalasafnsins og fengið að glugga þar í eldri fundargerðir stjórnar LSG.

Finnbjörn Hermannsson, stjórnarmaður LSG, bað um orðið. Finnbjörn skoðaði 8. grein laga LSG með Erling Ásgeirssyni, fyrrverandi formanni LSG. Finnbjörn óskaði eftir að fá heimild til að setja inn lagagrein í lög LSG sem fjallaði um hvernig ætti að rita fundargerðir stjórnar LSG. Hann lagði áherslu á að ekki væri boðlegt hversu mikill tími færi í umræður um fundargerðir stjórnar LSG.

Hafsteinn Hafsteinsson var með fyrirspurn um sorpmál. Umræður voru um flokkun sorps. Hafsteinn velti upp hvor til væri einhver samningur um flokkun sorps við Ísafjarðabæ? Fram kom að þar væru tvær tunnur; ein fyrir heimilssorp og hin fyrir flokkað sorp.

Rætt var um skemmtiferðarskipin, hvaða reglur giltu um þau? Ingvi, formaður LSG, sagði að Ísafjarðarbær væri að vinna með ríkisstofnunum um lagabreytingar varðandi þau. Ingvi ræddi einnig hópatakmarkanir sem eru í deiglunni.

Rætt var um heimsóknir gesta og ferðamanna og velt upp hvort landeigendur geti bannað heimsóknir gesta og ferðamanna?

Ingi H. Vilhjálmsson taldi að landeigendur geti bannað hópum að taka land. Það hefðu verið sett fram tilmæli um að hópar færu ekki yfir 10 manns.

Skýrsla stjórnar og reikningar gjaldkera voru borin upp til samþykktar og samþykkt.

5. *Lagabreytingar:*

Umræður voru um hvort boða þyrfti lagabreytingar fyrirfram með fundarboði. Engar lagabreytingar hefðu verið kynntar fyrir þennan aðalfund. Fundarstjóri lagði til að lagabreytingar yrðu undirbúnar.

Matthildur tók til máls og lagði áherslu á að lagabreytingar yrðu ekki gerðar á aðalfundi nema þær kæmu fram í fundarboði.

Jakob Falur Garðarsson ræddi um 8. grein laga. Hann lagði til að að lagasafnið yrði endurskoðað í heild seinni af laganefnd LSG og sent í umsögn fyrir næsta aðalfund. Tillagan var samþykkt mótatkvæðalaust.

6. *Stjórnarkjör og kjör skoðunarmanna.*

Ingvi, formaður LSG, tiltók að stjórn væri kosin til tveggja ára í senn og því væri ekki stjórnarkjör að þessu sinni þar sem ný stjórn var kosin á aðalfundi 2017. Sama gilti um skoðunarmenn, kjör tveggja skoðunarmanna til tveggja ára í senn og tveggja til vara: Skoðunarmennirnir Brynjar Valdimarsson og Ingibjörg Ásgeirsdóttir og varamenn Anna Ásgeirsdóttir og Jón Borgarsson voru öll endurkosin 2017.

7. *Tekin ákvörðun um árgjald félagsins.*

Tillaga kom um óbreytt árgjald kr. 1200. Breytingartillaga um 1500 kr kom frá Sigrúnu. Tillaga um 1200 kr stóð óbreytt eftir atkvæðatalningu og taldist því samþykkt.

8. *Önnur mál:*

A) Ingvi, formaður LSG, sagði að 26 landvarðavikur yrðu í sumar og að Kristín Ósk hjá Umhverfisstofnun sem var boðuð á aðalfundinn væri veðurteppt á Ísafirði. Kristín Ósk, Vésteinn, Ragúel, Perilla yrðu landverðir sumarið 2018. Ingvi fór yfir hvaða svæði þessir landverðir sinna. Ingvi taldi nauðsynlegt halda félagsfund þegar stjórnunar- og verndaráætlun liggur fyrir.

B) Helgi Þorvarðsson tók dæmi um fundargerðir hjá Reykjavíkurborg, skóla og frístundaráði. Þar væru helstu rök á bak við niðurstöður og hvernig þær væru fengnar og t.d. atkvæði með og á móti. Helgi tók dæmi um drög að 1. fundargerð LSG sem hann hafði undir höndum, sem hann taldi góða og ítarlega. Helgi sýndi hana fyrir breytingu og síðan eins hún var endanlega samþykkt. Helgi lagði fram tillögu um form fundargerða og bar undir fundinn, sjá *viðauka 4*. Ingvi, formaður LSG, taldi eðlilegt að vísa þessu máli til laganefndar LSG.

Finnbjörn, stjórnarmaður LSG, tók til máls. Hann velti fyrir sér hvernig stæði á því að Helgi Þorvarðsson væri með vinnuskjal stjórnar undir höndum. Finnbjörn studdi tillögu Ingva um að vísa þessu fundargerðarmáli til stjórnar. Aðalfundurinn samþykkti að vísa málinu um fundargerðir stjórnar LSG til stjórnar LSG.

- C) Sölvi Sólbergsson, varaformaður LSG, lagði fram tillögu um rammaskipulag og rökstuddi gerð þess: Tillaga hans er í viðauka 5. Sölvi fjallaði um tillögu sína og rökstuddi: Enginn hvati sé fyrir landeigendur til þess að gera deiliskipulag. Sölvi hefur verið talsmaður þess að Ísafjarðarbær beitti sér í þessu máli og nefndi m.a. tillögu frá 2014 því til stuðnings. Sölvi taldi liggja fyrir að erfitt væri að fá samþykki allra landeigenda og þar með að gera deiliskipulag. Þá taldi Sölvi m.a. að stjórnunar- og verndunaráætlun væri komin lengra en skipulagsgerðin almennt.

Oddur Hermannsson tók til máls og var sammála því að vinna skipulagsvinnu fyrir svæðin. Hann nefndi tvær leiðir í því sambandi þar sem rammaskipulag væri ekki lögformlegt plagg. Oddur taldi betra að vinna svæðaskipulag sem byrjað var að vinna árið 1989. Hins vegar þyrfti að vinna deiliskipulag fyrir hvert svæði og nefndi ólíka hagsmunaaðila og ólík svæði. Oddur taldi vankanta á því að fá utanaðkomandi aðila til verksins og lagði áherslu á að heimamenn kæmu að slíkri vinnu. Oddur nefndi m.a. eftirfarandi varðandi aðalskipulagið; Hvernig var t.d. fundið út að það yrðu bara byggð 3 hús á Sæbóli? Það þarf að mati Odds að skapa sáttmála um hversu mikið yrði byggt og gerð könnun meðal landeiganda. Þetta gerist í deiliskipulagsvinnu. Oddur hefði viljað fá svona tillögu eins og tillögu Sölva með meiri fyrirvara.

Vernharð Guðnason tók nú til máls og taldi málið of viðamikið til að hægt væri að afgreiða tillögu Sölva óbreytta. Vernharð lagði til að vísa málinu til stjórnar LSG. Fundurinn samþykkti tillöguna mótatkvæðalaust.

Þorleifur Kristinsson tók til máls. Nefndi m.a. Sæborgu. Sæborgin var afsöluð Görðum 1936. Gerð var breyting í aðalskipulaginu árið 2008 þar sem Sæborg var gerð að lögbýli. Þorleifur las úr aðalskipulaginu; Leyft væri að byggja 12 ný hús á Látrum en 3 hús í Þverdal, Sæbóli og Görðum. Þorleifur var ósáttur við þennan kvóta. Hver ætti að fá þessi 3 hús sem um ræðir? Sæborgin er langminnsta jörðin í Aðalvík eða um 9 hektarar. Hann vildi að gerð yrði athugasemd við deiliskipulagið sem er nú í kynningu um Sæborgina. Þorleifur vildi heyra hvert væri viðhorf stjórnar LSG í þessu samhengi og vildi meina að það ætti að deiluskipuleggja allar þessar jarðir í einu. Hvaða línu legði stjórn LSG í málið?

Ingvi, formaður LSG, sagði að deiliskipulagsferlið væri nýtt en yrði líklega rætt á næsta fundi í stjórn LSG. Athugasemdir væru við aðferðafræðina: „Fyrstur kemur fyrstur fær“. Aðalskipulagsbreytingin frá 2008 var t.d. ekki lögð fyrir Hornstrandanefnd.

Oddur Hermannsson velti fyrir sér hvaða hlutverk Hornstrandanefnd hefði. Hún væri stundum spurð og stundum ekki. Hver væri þá tilgangurinn með nefndinni?

Oddur nefndi t.d. varðandi Sæborgu að það mál hefði ekki farið í réttan farveg og að Hornstrandarnefnd hefði ekki verið spurð. Á eignarlandi er það landeigandi sem ber að kosta deiliskipulagsgerð. „Við eigum að gera þetta sjálf“, sagði Oddur. Oddur lagði áherslu á deiliskipulagsgerðina. Oddur vill að landeigendur stýri deiliskipulagsgerðinni, t.d. með því að óska eftir breytingu á aðalskipulagi.

Matthildur sagði að stjórn LSG hefði gert athugasemd við breytingu á aðalskipulaginu árið 2008. LSG lét sig málið varða en ekki var hlustað á það.

Þorleifur vill beina því til stjórnar LSG hún beitti sér fyrir því að húsum verði ekki fjölgað þar til búið að er deiliskipuleggja jarðir í kringum Sæborg, þ.e. Garða og Sæból.

Staðfesting fundargesta á setu sinni á Aðalfundi 2018 er í viðauka 6.

Fundi slitið kl. 20.00.

Gunnar H. Kristjánsson, ritari LSG

Stjórn LSG

Ingvi Stígsson

Horni, formaður

Sölvi Rúnar Sólbergsson

Hesteyri, varaformaður

Finnbjörn Aðalvíkingur Hermannsson

Sæbóli, meðstjórnandi

Gunnar H. Kristjánsson

Látrum, ritari

Margrét Katrín Guðnadóttir

Fljótavík, Gjaldkeri

Varamenn

Halldóra Kristinsdóttir

Hesteyri

Jósef Vernharðsson

Fljótavík

Sigrún Þorvarðsdóttir

Látrum/Miðvík

Breyting á fundargerð aðalfundar 2017

- Tillaga formanns er að eftirfarandi texta verði bætt aftan við fundargerð 2017

„Tillaga frá Helga Þorvarðssyni

„Stjórn LSG skal tryggja að allar ársskýrslur, fundargerðir og önnur gögn LSG verði aðgengileg á vef félagsins. Einnig skal hún tryggja að allar fundargerðir Hornstrandanefundar og önnur gögn verði aðgengileg á vef Hornstrandarnefundar og/eða vef LSG. Að verki loknu skal stjórn LSG senda félagsmönnum tilkynningu um það.“

Tillagan var samþykkt mótatkvæðalaust.“

Aðalfundur Landeigendafélags Sléttu- og Grunnavíkuhrepps 23. maí 2018

Skýrsla stjórnar fyrir tímabilið

18. maí 2017 til 23. maí 2018.

Á fyrrgreindu tímabili voru haldnir 3 stjórnarfundir auk 2 funda í Hornstrandanefnd og 4 funda í samstarfshópi um gerð stjórnunar- og verndaráætlunar. Auk þess tóku fulltrúar félagsins þátt í 2 opnum fundum um gerð stjórnunar- og verndaráætlunar.

1. Aðalfundur LSG haldinn 18. maí 2017

Á aðalfundi 2017 voru eftirfarnir kjörnir til trúnaðarstarfa til tveggja ára:

- Ingvi Stígsson, formaður, Horni
- Sölvi Rúnar Sólbergsson, varaformaður, Hesteyri
- Gunnar Kristjánsson, ritari, Látrum
- Margrét Guðnadóttir, gjaldkeri, Fljótavík
- Finnbjörn Hermannsson, meðstjórnandi, Sæbóli og Efri-Miðvík

Varamenn voru kosnir

- Sigrún Þorvarðsdóttir, Látrum og Neðri-Miðvík
- Jósef H. Vernharðsson, Fljótavík
- Halldóra Kristinsdóttir, Sæbóli

Skoðunarmenn reikninga voru kosin

- Ingibjörg Ásgeirsdóttir, Sæbóli
- Brynjar Valdimarsson, Látrum

Til vara

- Jón Borgarsson, Hesteyri
- Anna Ásgeirsdóttir, Sæbóli

Stjórn skipti með sér verkum á fyrsta fundi.

Á síðasta aðalfundi var samþykkt að birta fundargerðir á vefnum. Á stjórnarfundum fór svo fram umræða um form fundargerða stjórnarfundanna. Horft verður til svokallaðra ákvarðanafundargerða, sem er það form sem má sjá hjá sveitarfélögum og fastanefndum Alþingis. Efni fundargerðanna er þá upplýsingar um fundartíma, fundarstað og fundarmenn. Við hvern dagskrárlið koma upplýsingar um gesti, ef einhverjir eru, bókanir fundarmanna og niðurstaða - ef einhver er.

Fundargerðir eldri stjórnarfundanna hafa verið skannaðar en ekki birtar enn. En umræða hefur farið fram í stjórn hvort félaginu sé það heimilt þar sem fundargerðirnar hefðu verið gerðar með öðrum hætti ef það hefði legið fyrir þær yrðu birtar opinberlega.

Fundargerðir aðalfundanna hafa verið birtar á vefnum og þær ársskýrslum sem hafa fundist. Ársskýrslurnar voru ekki settar upp til birtingar og hefðu e.t.v. verið unnið meira í útliti þeirra á sínum tíma.

Falast var eftir fundargerðum Hornstrandanefndar 7. júní, á fyrsta fundi nefndarinnar eftir aðalfund og er það í athugun hjá Umhverfisstofnun.

Í samráðshópi um gerð stjórnunar- og verndaráætlunar var samþykkt 20. október á fyrsta fundi hópsins eftir aðalfund að birta fundargerðir á vef Umhverfisstofnunar, það er enn í vinnslu en ætti vonandi að detta inn fljótlega.

2. Stjórnarfundir

Félagið hefur haldið 3 stjórnarfundum á tímabilinu. Aðstaða funda hefur batnað og eru nú fjarstöddum stjórnarmönnum gefin kostur á þátttöku með fjarfundabúnaði. Á fyrsta stjórnarfundum sem haldin var 31. maí 2017 skipti stjórnin með sér verkum og skipaði nýja fulltrúa í Hornstrandanefnd, þau Ingva, Sölva og Margréti. Fulltrúar í samráðsnefnd um gerð stjórnunar- og verndaráætlunar verða áfram Ingvi, Erling Ásgeirsson, Sæbóli, og Matthildur Guðmundsdóttir, Látrum. Ritari tók að sér að sjá um að fundargerðarbækur yrðu skannaðar inn og formaður myndi óska eftir fyrri ársskýrslum frá fyrrverandi formanni. Farið var yfir stöðu stjórnunar- og verndaráætlunar og tillögu ferðaþjónustuaðila um styrktarsjóð.

Á öðrum fundi 22. nóvember 2017 var farið yfir form fundargerða, yfir stöðu eldri fundargerða og stjórnunar- og verndaráætlun. Ákveðið að fela Finnbirni og Erling að skoða mögulegar breytingar á lögum félagsins í samræmi við umræður á aðalfundi um stjórnarkjör. Að lokum var ákveðið að formaður hvetti Umhverfisstofnun til að birta fundargerðir Hornstrandanefndar.

Á þriðja fundi 8. maí 2018 voru samþykktar fundargerðir 1. og 2. fundar, 1. fundar óbreytt og 2. fundar með breytingum. Ákveðið að halda aðalfund 23. maí og bjóða umsjónarmanni friðlandsins að mæta og vera með erindi. Þá var kynnt erindi frá umsjónarmanni friðlandsins um upplýsingabækling og ákveðið að stjórnarmenn myndu rýna bæklinginn.

3. Hornstrandanefnd

Í samstarfsnefnd um málefni friðlandsins, Hornstrandanefnd, sátu á tímabilinu sem fulltrúar LSG Ingvi Stígsson, Sölvi Sólbergsson og Margrét Katrín Guðnadóttir. Fulltrúar Ísafjarðarbæjar voru Andrea Sigrún Harðardóttir og Gísli H. Halldórsson. Staðgengill Gísla á einum fundi var Þórdís Sif Sigurðardóttir. Umhverfisstofnun á einn fulltrúa í nefndinni og stýrir hann fundum nefndarinnar. Á haustdögum færðist umsjón friðlandsins úr höndum Jóns Smára Jónssonar í hendur Kristínar Ósk Jónasdóttur sem jafnframt tók við af Jóni Smára sem fulltrúi Umhverfisstofnunar í Hornstrandanefnd.

Þrjú fundir voru haldnir í Hornstrandanefnd á tímabilinu.

Sá fyrsti var haldinn 7. júní 2017. Á þeim fundi fór Jón Smári yfir hlutverk Hornstrandanefndar og samkomulag Ísafjarðarbæjar, Umhverfisstofnunar og LSG varðandi útgáfu byggingarleyfa innan friðlands Hornstranda. Jafnframt var farið yfir hlutverk Umhverfisstofnunar, umsjónarmanns friðlandsins og landvarða. Að auki farið yfir viðveru landvarða 2015 og 2016 og áætlaða viðveru 2017.

Á fundinum var tekinn fyrir umsókn til framkvæmda við Læknishúsið á Hesteyri og veitt umsögn.

„Niðurstaða nefndarinnar var að framkvæmdin myndi ekki koma til með að rýra heildaryfirlit Hesteyrarþorpsins. Nefndin tekur undir skilyrði Minjastofnunar varðandi frágang við útlit hússins, að öðru leiti er nefndin samþykkt framkvæmdinni eins og hún er sett fram af hálfu umsækjanda“

Það er rétt að taka fram að Hornstrandanefnd er umsagnaraðili en veitir ekki leyfi. Ísafjarðarbær veitir byggingarleyfi og Umhverfisstofnun framkvæmdarleyfi að fenginni umsögn Hornstrandanefndar.

Á fundinum var jafnframt tekin til umsagnar umsókn frá Náttúrustofu Norðausturlands um leyfi til rannsóknar með myndavélabúnaði við Langakamb við Hælavíkurbjarg. Þar átti að setja upp myndavél sem tæki mynd af bjarginu á klukkustundarfresti til að meta afkomu bjargfugla. Nefndin tók jákvætt í erindið enda er um að ræða eflingu á lífríki svæðisins og framkvæmdin rýrir ekki verndargildi þess.

„Niðurstaða nefndarinnar er samþykki fyrir framkvæmdinni, en fyrirvari á tímalengd verkefnisins, telur nefndin að 5 ár séu heppilegur tími til þess að endurskoða leyfi fyrir umræddri framkvæmd.“

LSG hafði haft milligöngu um að koma á sambandi milli Náttúrustofunnar og landeigenda í Rekavík bak Höfn.

Jón Smári fór yfir nýleg tilmæli þar sem ímprað var á ábyrgð ferðaþjónustunnar á sinni starfssemi innan friðlandsins auk þess að sett voru fram tilmæli varðandi takmörkun á hópastærðum þegar náttúran er sem viðkvæmust.

LSG óskaði eftir að fundargerðir Hornstrandanefndar yrðu gerðar aðgengilegar aftur í tímann og upplýsti að viðræður væru um að stofna sjóð á vegum ferðaþjónustunnar til að styrkja ýmis verkefni innan friðlandsins.

Annar fundurinn var haldinn 14. desember 2017. Þar fór fráfarandi umsjónarmaður friðlandsins, Jón Smári Jónsson, yfir sumarið 2017. Nokkur fjölgun varð í fjölda landvarðavikna 2017 en heimild til fjölgunar kom nokkuð seint fram og ekki náðist að nýta hana að fullu. Unnið var í vörðuhleðslu verkefni á milli Skálakambs og Atlaskarðs, ofan Hælavíkur. Kamar var settur upp á Glúmsstöðum, en nokkuð er síðan að samkomulag var gert við landeiganda Tungu og Glúmsstaða að gera ráð fyrir tjaldstæði á Glúmsstöðum. Sjálfboðaliðar komu í viku í friðlandið og var unnið í göngustígum á og næst Hesteyri.

Fjöldi gesta hélst svipaður frá 2016 en tímabilið er að lengjast. Samsetning gesta breyttist og fækkaði dagsferðalöngum um 20%. Hópar hafa minnkað.

Rætt var um ástand svæðisins, sem virðist að mestu í ágætu lagi, sér í lagi vestari hluti svæðisins. Ógnir eru taldar stafa af fjallahjólaferðamennsku og of miklu álagi á Hornbjarg og í botni Veiðileysufjarðar. Fyrir sumarið voru send tilmæli um takmarka ætti fjölda farþega á Miðfellið á Hornbjargi við 10 manns, þau tilmæli virðast hafa farið fyrir ofan garð og neðan hjá ferðaþjónustunni.

Umhverfisstofnun hefur hug á að byggja þjónustu- og landvarðarhús á Hesteyri. LSG benti á að nauðsynlegt væri að deiliskipuleggja Hesteyri vegna fjölda ferðamanna og var það ítrekað á fundi Hornstrandaneftndar.

Verkefni framundan hjá Umhverfisstofnun voru að vinna í stjórnunar- og verndaráætlun, bæta heimasíðu fyrir Hornstrandir og auka upplýsinga og leiðbeiningar á ensku.

Þriðji fundurinn var haldinn fyrr í dag og verður gert grein fyrir honum í ársskýrslu næsta árs.

4. Stjórnunar- og verndaráætlun

Unnið hefur verið í gerð stjórnunar- og verndaráætlunar fyrir friðlandið á Hornströndum. Alls hafa verið haldnir 4 fundi á tímabilinu. Í samstarfshópi sitja fyrir hönd LSG Ingvi Stígsson, Erling Ásgeirsson og Matthildur Guðmundsdóttir, fyrir Ísafjarðarbæ sitja Gauti Geirsson og Gísli H. Halldórsson. Fyrir Umhverfisstofnun hafa tekið þátt Jón Smári Jónsson, Kristín Ósk Jónasdóttir, Þórdís Sigbórsdóttir, Linda Guðmundsdóttir og Hildur Vésteinsdóttir

Ákveðið hafði verið á vordögum að halda fundi með hagsmunaaðilum um haustið til að kynna stjórnunar- og verndaráætlun fyrir hagsmunaaðilum og hafa umræðu skipt eftir þeim.

Á þriðja fundi 20. október 2017 var undirbúningur fyrir fundi með hagsmunaaðilum og hvernig unnið yrði úr efni sem kæmi fram.

Ákveðið var að halda einn opinn fund á Ísafirði sem yrði auglýstur á bb.is, vefsíðu Umhverfisstofnunar ásamt vef LSG og átthagafélagana hornstrandir.is. Annar fundir skyldi haldinn í Reykjavík og fyrir landeigendur og félagsmenn í átthagafélögunum. [LSG auglýsti fundina í tölvupósti og á hornstrandir.is og Átthagafélögin auglýstu fundina á Facebook.]

Samþykkt var tillaga fulltrúa LSG um að fundargerðir skyldu birtar á heimasíðu UST - af því hefur enn ekki orðið.

Einnig var rætt um sorpmál innan friðlandsins og að ferðmenn skyldu fá betri upplýsingar og jafnvel umhverfissvæna ruslapoka.

Á 4. og 5. fundi, 1. nóvember og 13. nóvember var unnið í 1. og 2. kafla áætlunarinnar. Ákveðið var að bæta við viðaukum um hús, neyðarskýli og tjaldsvæði, sem og GPS hnitum.

Á 6. fundi 23. janúar 2018 var farið yfir samantekt frá samráðsfundum og samþykkt að samantekt verði birt á heimasíðu Umhverfisstofnunar - af því hefur enn ekki orðið, en samantektin er aðgengileg á hornstrandir.is

Rætt var um skemmtiferðskip og eigi að taka á þeim í stjórnunar- og verndaráætluninni. Umhverfisstofnun hefur verið að vinna að nálgun um hvernig taka megi á þeim.

Rætt var um notkun fjórhjóra og að þörf væri á að uppfæra reglur tengdum fjórhjólum svo þau hafi ekki neikvæð áhrif inni á svæðinu.

Rætt var um hundahald og að settar verði almennar reglur um lausagöngu hunda.

Rætt var um að útbúa plagg fyrir landeigendur með skýrum leiðbeiningum og upplýsingum.

Samstarfshópurinn er sammála um að leyfi þurfi að fá frá Umhverfisstofnun til að fara inn á svæðið þegar það er sem viðkvæmast, var rædd um 15. september til 15. júní. [Slík kvöð á ekki við um landeigendur.]

Hugmyndir um fjöldatakmarkanir voru ræddar en ekkert samþykkt.

Rætt var um leiðir að halda fólki innan göngustíga og að umhverfisstofnun miðli réttum leiðum og útbúi kort.

Hópurinn er ekki á því að leyfa fjallahjólaferðamennsku innan friðlandsins.

Á 7. fundi 26. mars var farið yfir 3. kafla. Rædd var svæðaskipting, en friðlandinu verður lílkega skipt upp í svæði A og B. Innan svæðis A verða Aðalvík, Rekavík bak Látur og Hesteyri. Svæði B mun ná yfir Fljótavík, Veiðileysufjörð og austur fyrir. Hópatakmarkanir verða mismunandi, allt að 30 manna hópar á svæði A og að hámarki 15 manns í hóp á svæði B.

Leyfisskylda í stað tilkynningaskyldu yrði frá 1. mars til 15. júní. [Á ekki við um landeigendur]

Hópurinn er sammála að þyrluflug geti haft miklar truflanir og því vert að banna alfarið þyrlulendingar. Mun Umhverfisstofnun skoða heimildir til þess.

Einnig var rætt að banna landingar innan friðlands nema á landingarstöðum skv. aðalskipulagi Ísafjarðarbæjar, þ.e. á Látrum og í Fljótavík. LSG telur að rétt að hafa undanþágu fyrir landeigendur að lenda á eigin landi þar sem það er hægt.

Hópurinn er sammála því að koma í veg fyrir að stærri skip komi of nálægt mikilvægum fuglabjörgum og að þeir gestir sem koma inn í friðlandið komi í gegnum viðurkenndar hafnir.

Slóðakort eru í vinnslu sem sýna þá slóða sem heimilt verður að fara á fjórhjólum.

Hundahald verði bannað á ákveðnum svæðum og á tjaldstæðum og á öðrum stöðum aðeins í bandi. Reiðhjól verði bönnuð, skýrar reglur varðandi kvikmyndatöku og ljósmyndatöku í atvinnuskyni og banna á dróna innan friðlandsins nema með leyfi.

Upplýsa skal landeigendur um umgengni við refi og umgengni með fjórhjól og sexhjól.

Haldnir voru tveir samráðsfundir, 15. nóvember á Ísafirði og 23. nóvember 2017 í Reykjavík. Samantekt frá samráðsfundum er á hornstrandir.is. En helstu punktar sem ræddir voru

- Mismunur á svæðum eftir árstíðum
- Landtaka skemmtiferðaskipa
- Hvaða tegund ferðamennsku á heima í friðlandinu, t.d. hjólreiðar
- Notkun fjórhjóla
- Innviðir og þolmörk og takmarkanir á fjölda gesta
- Vetrarferðamennska og vélsleðaferðir
- Ágengar tegundur í lífríkinu, uppræting kerfils, lúpínu og minks
- Áhrif refsins á lífríkið

- Sjálfboðaliðaverkefni í samstarfi við átthagafélögin og landeigendur
- Mönnuð og ómönnuð loftför
- Hver er framtíðarsýnin? Á miða við friðlýsinguna eða þarfir hagsmunaaðila, s.s. ferðþjónustunar eða landeigenda
- Hampa minjum innan svæðisins, skrásetja og vernda þær
- Verndargildi náttúruminja
- Sorpmál
- Viðveru landvarða, heimildir þeirra og hlutverk
- Fræðsla fyrir ferðamenn
- Öryggi

5. Aðalskipulag Ísafjarðarbæjar

Aðalskipulag Ísafjarðarbæjar gildir til 2020 og ætti því vinna við endurskoðun þess að hefjast fljótlega. Núgildandi aðalskipulag gekk óvenjulangt þegar kom að fyrrum Sléttu- og Grunnavíkurreppum. Ekki hefur mikið reynt á það hingað til.

En nú í maí voru Landeigendafélaginu og Hornstrandanevnd send til umsagnar tillaga að deiliskipulagi fyrir Sæborg í Aðalvík. Sæbólsmegin í Aðalvík er sett eitt svæði í aðalskipulaginu sem nær yfir Garða, Sæból og Sæborg. Tillaga af deiliskipulagi nær eingöngu til Sæborgar. Af tillögunni má ráða að eitt hús hafi staðið á jörðinni, reist 1936. Á grunni þess stendur frístundahúsið Sæborg reist 1982 og skammt frá Borg reist 1980. Skv. aðalskipulagsákvæðum má endurbyggja öll íbúðarhús og þjónustuhús (kirkjur, skólar, bænahús, samkomuhús og verslanir) sem búið var í eða voru í notkun eftir 1908 og hús byggð eftir 1965 teljast nýbyggingar. Ef þessari reglu er beitt á Sæborg sem staka jörð mætti standa þar eitt hús. Hús númer 2 og væntanlegt hús númer 3 myndu þá vera endurbygging húsa sem stóðu annað hvort á Görðum eða Sæbóli og takmarka þá möguleika landeigenda þar til að bæta við húsum. Ef þetta hefði verið ljóst við gerð aðalskipulagsins hefði þessu líklega verið mótmælt af landeigendum á Sæbóli og Görðum og hugsanlega fleiri stöðum innan Sléttu- og Grunnavíkurrepps þar sem nokkrum jörðum er slegið saman í eitt svæði.

6. Lokaorð

Stundum heyrir kvartað undan því að ekki sé ljóst við hvern á tala til að fá leyfi, t.d. hafa umboðsmenn skipa kvartað undan þessu og því talið sig hafa afsökun fyrir því að skipin fari með fólk í land.

En hitt kemur einnig fyrir að leitað er til LSG til að komast í samband við landeigendur. Má sem dæmi nefna að LSG aðstoðaði Náttúrustofu til að komast í samband við landeigendur Rekavíkur bak Hafnar til að fá leyfi til að setja upp myndavél á Langakambi.

Sem lausn við þessu tel ég rétt að nýta hornstrandir.is og birta þar fyrir hverja landareign við hverja skal hafa samband við sem fulltrúa eigenda eða rétthafa og jafnvel birta eða vísa í upplýsingar um reglur sem sérstaklega eiga við hverja eign, s.s. varðandi veiði í ám eða vötnum og hvar megi tjalda.

Fylgiskjöl

Fundargerðir stjórnarfunda Landeigendafélags Sléttu- og Grunnavíkurbrepps

- 1. fundur 31. maí 2017
- 2. fundur 22. nóvember 2017
- 3. fundur 8. maí 2018 [ósamþykkt]

Fundargerðir Hornstrandanefndar [með fyrirvara]

- Fundur 7. júní 2017
- Fundur 14. desember 2017

Fundargerðir samstarfshóps um gerð stjórnunar- og verndaráætlunar fyrir friðlandið á Hornströndum [með fyrirvara]

- 1. fundur 17. janúar 2017
- 2. fundur 9. maí 2017
- 3. fundur 20. október 2017
- 4. fundur 2. nóvember 2017
- 5. fundur 13. nóvember
- 6. fundur 23. janúar 2018
- 7. fundur 26. mars 2018

Samantekt umræðna frá samráðsfundum vegna stjórnunar- og verndaráætlunar friðlands á Hornströndum

Landeigendafélag Sléttu- og Grunnavíkurhrepps

Rekstrarreikningur
1.1.2017-31.12.2017

<u>Tekjur</u>	
Árgjald 2017	157.200 kr.
Vaxtatekjur	28.784 kr.
Tekjur samtals	185.984 kr.
<u>Gjöld</u>	
Vefur	18.380 kr.
Innheimtukostnaður árgjalds og póstkostnaður	13.050 kr.
Fjármagnstekjuskattur	5.753 kr.
Gjöld samtals	37.183 kr.
Rekstrarafgangur	148.801 kr.

Efnahagsreikningur
31.12.2017

<u>Eignir</u>	
Átthagafélag Sléttuhrepps í Reykjavík	11.983 kr.
Átthagafélag Sléttuhrepps á Ísafirði	11.983 kr.
Grunnvíkingafélagið á Ísafirði	36.359 kr.
Veltureikningur	297.512 kr.
Vaxtareikningur	1.059.190 kr.
Eignir samtals	1.417.027 kr.
<u>Skuldir og eigið fé</u>	
Skuldir	- kr.
Eigið fé	1.417.027 kr.
Skuldir og eigið fé samtals	1.417.027 kr.
<u>Höfuðstóll</u>	
Höfustóll 1.1.2017	1.268.226 kr.
Rekstrarafgangur	148.801 kr.
Höfustóll 31.12.2017	1.417.027 kr.

Við höfum athugað reikningana
og gerum ekki athugasemdir

Brynjólfur M. Valdimarsson
Ingibjörg E. Ágnesdóttir

Reykjavík 21. maí 2018

Margrét Guðnadóttir
Margrét Guðnadóttir gjaldkeri
Ingvi Stigsson
Ingvi Stigsson formaður

Tillaga til samþykkis (fundargerðir) -

<https://www.stjornartidindi.is/Advert.aspx?ID=3be62d81-27cc-4293-8730-5b695ad606f4>

Stjórn LSG skal taka mið af þeim reglum sem gilda um fundargerðir hjá sveitarfélögum.

Einnig skal tryggt að meginmál allra umræðna (kjarninn í umræðunni) á fundum skili sér í fundargerðina.

Ekki skal sleppa skráningu meginmáls þó að umræðan skili ekki niðurstöðu.

Stjórn LSG skal tryggja eins fljótt og mögulegt er að fundargerðir og fylgiskjöl séu birt á vef félagsins.

AUGLÝSING

um leiðbeiningar um ritun fundargerða sveitarstjórna.

1. gr.

Markmið.

Markmið leiðbeininga þessara er að veita leiðsögn um ritun fundargerða sveitarstjórna, m.a. um hvað þar er skylt að bóka, um staðfestingu þeirra þegar að loknum fundi og skráningu og meðferð rafrænna fundargerða, sbr. 2. mgr. 19. gr. sveitarstjórnarlaga nr. 138/2011.

Með fundargerðum er tryggð varðveisla mikilvægra upplýsinga, svo sem um það hvar og hvenær fundur sveitarstjórnar fór fram, hverjir tóku þátt í fundinum, hvaða mál voru rædd, hverjir greiddu atkvæði með tillögu, hverjir á móti og hverjir sátu hjá, um niðurstöður mála og eftir atvikum um helstu rök að baki niðurstöðum, eða beinar tilvísanir til gagna sem geyma slík rök.

2. gr.

Fundargerðir.

Fundargerðir sveitarstjórnarfunda skal rita og færa í gerðabók í samræmi við fundarsköp sveitarstjórnar og auglýsingu þessa.

Á fundum fastanefnda¹, skv. samþykkt um stjórn sveitarfélagsins, annarra nefnda, stjórna og ráða á vegum sveitarfélags skal rita fundargerðir og skulu þær skráðar með sams konar hætti og fundargerðir sveitarstjórnar, sbr. 1. mgr.

3. gr.

Gerðabók.

Fundargerðir sveitarstjórnar, fastanefnda, annarra nefnda, stjórna og ráða skal rita í gerðabók sem skal vera innbundin með tölusettem blaðsíðum. Um efni fundargerða í gerðabók fer skv. auglýsingu þessari að teknu tilliti til 5. gr. um skráningu fundargerða í tölvu.

4. gr.

Efni fundargerða.

Eftirfarandi atriði eiga að koma fram í fundargerðum sveitarstjórnar, fastanefnda, annarra nefnda, stjórna og ráða á hennar vegum. skv. samþykkt um stjórn sveitarfélagsins:

- a. Númer fundar og heiti nefndar (sveitarstjórnar, fræðsluráðs o.s.frv.).
- b. Fundardagur, upphaf fundar (tími) og fundarstaður.
- c. Nöfn viðstaddra sveitarstjórnarmanna, nefndarmanna, varamanna og fyrir hverja þeir sitja og eftir atvikum þeirra annarra sem fundinn sátu.
- d. Dagskrármál sem tekin eru fyrir á fundinum og niðurstaða þeirra.
- e. Víki sveitarstjórnar- eða nefndarmaður sæti vegna vanhæfis skal það skráð í fundargerð.
- f. Atkvæðagreiðsla/kosning.
- g. Hverjir greiddu atkvæði með máli, hverjir á móti og hverjir sátu hjá.
- h. Skrá skal lok fundar.
- i. Skrá skal undirritun fundargerðar.

5. gr.

Fundargerðir skráðar í tölvu.

Sveitarstjórn er heimilt að ákveða að fundargerðir séu skráðar í tölvu. Sé það gert skal skrá í gerðabók sveitarstjórnar, fastanefnda og annarra nefnda, stjórna og ráða, númer fundar, hvar og hvenær fundur er haldinn og að fundargerð sé færð í tölvu. Þá skal færa í gerðabók fundarslit og greina blaðsíðutal fundargerða, sbr. 10. gr.

¹ Um hugtakið fastanefndir vísast til 37. gr. sveitarstjórnarlaga nr. 138/2011, og nánari útfærslu í samþykktum einstakra sveitarfélaga.

6. gr.

Nöfn þeirra sem skrá skal í fundargerð.

Skrá skal nöfn viðstaddra sveitarstjórnarmanna eða nefndarmanna í fundargerð. Ef varamaður situr fund er rétt að skrá fyrir hvaða aðalmann hann situr fundinn. Skrá skal hvaða embættismenn sitja fundinn. Ef embættismenn eða gestir sitja fundinn eða hluta hans skal skrá athugasemd um slíkt undir viðkomandi dagskrárlíð fundarins.

7. gr.

Um skráningu dagskrármála í fundargerð og niðurstöðu þeirra.

Skrá skal í fundargerð heiti dagskrármála, málnúmer og röð þeirra á dagskrá fundarins. Þá skal skrá dagsetningu máls, aðila máls og **meginefni málsins**. Skrá skal hvaða gögn eru lögð fram á fundinum og hvenær þau eru dagsett.

Skrá skal í fundargerðina við dagskrármálið sjálft, hvaða afgreiðslu það hafi hlotið, ályktanir og niðurstöðu, s.s. hvort mál hafi verið samþykkt, því synjað, frestað, vísað til umsagnar nefndar eða starfsmanns, vísað til fullnaðarafgreiðslu nefndar eða starfsmanns eða hvort máli hafi verið vísað frá. Varði afgreiðsla dagskrármáls ekkert af þessu er málið lagt fram án efnislegrar afstöðu til þess.

Fundargerðir nefnda sem lagðar eru fyrir sveitarstjórn skulu lagðar fyrir í heild, þ.e. með öllum þeim dagskrármálum sem þær mynda og fer um afgreiðslu þessara fundargerða með vísan til 1. og 2. mgr. þessarar greinar. Ályktanir eða samþykktir í fundargerðum nefnda sem þarfnast staðfestingar sveitarstjórnar skal færa sérstaklega í fundargerð. Skýrt þarf að koma fram hvaða afgreiðslu slíkir dagskrárlíðir fá. Aðrir líðir fundargerðar eru lagðir fram til kynningar.

Varðandi framkvæmd á afgreiðslu dagskrármála **skal skrá með hvaða hætti niðurstaða var fengin, hvort niðurstaðan var eftir atvikum fengin samhljóða, fjöldi atkvæða með og atkvæða á móti, hvort um hjásetu var að ræða o.s.frv.** Þá þarf að skrá hvort krafist hafi verið skriflegrar atkvæðagreiðslu o.fl. Um þessi atriði vísast að öðru leyti til laga og samþykktu um stjórn sveitarfélags.

Varðandi aðrar athafnir sem fram fara á fundum sveitarstjórnar eða nefnda, s.s. kosningar ýmiss konar, gildir að tilgreina skal þær sem sérstakt dagskrármál og númer hvað þær eru á dagskrá fundarins. Um framkvæmd slíkra kosninga vísast að öðru leyti til laga og samþykktu um stjórn sveitarfélags.

Komi fram ósk um bókun frá sveitarstjórnarmanni, nefndarmanni eða öðrum þeim sem heimild hefur til að bóka skal skrá þá bókun undir viðkomandi dagskrármáli. Um bókanir fer að öðru leyti samkvæmt ákvæðum samþykktar um stjórn sveitarfélagsins (t.d. hvort þær þurfi að vera skriflegar). Bókanir skulu færðar til bókar áður en til afgreiðslu fundargerðar kemur.

8. gr.

Vikið af fundi vegna vanhæfis.

Skrá skal í fundargerð ef sveitarstjórnarmaður eða nefndarmaður víkur sæti vegna vanhæfis². Skrá skal hvort atkvæðagreiðsla fer fram um hæfi og úrslit hennar. Skrá skal hvaða mál vanhæfið varðar og hvort og þá hvaða varamaður tekur sæti við afgreiðslu þess máls. Skrá skal hvenær sveitarstjórnarmaður tekur aftur sæti og varamaður víkur af fundi.

9. gr.

Undirritun í gerðabók.

Við lok fundar skal fundargerð lesin upp og viðstaddir fundarmenn rita eigin hendi undir hafi hún verið færð beint í gerðabók og staðfesta þar með að rétt hafi verið fært til bókar. Við endurrit fundargerða er mælt með að setja skammstöfunina sign. eða m.e.h.³ aftan við nafn viðkomandi.

² Um vanhæfi vísast til 20. gr. sveitarstjórnarlaga nr. 138/2011 og nánari útfærslu í samþykktum einstakra sveitarfélaga.

³ Skýring: Með eigin hendi - sign.úr latínu = signatum, og merkir ritað eigin hendi.

Nr. 22

15. janúar 2013

Sama gildir hafi fundargerð verið færð í tölvu, þá skulu fundarmenn undirrita gerðabók sem í hefur verið fært skv. ákvæðum 5. gr. auglýsingar þessarar.

Sveitarstjórnarmaður/nefndarmaður sem vill gera athugasemd við eitthvert atriði í fundargerð getur undirritað hana með fyrirvara um það atriði.

10. gr.

Um undirritun og frágang tölvufærðrar fundargerðar.

Í lok fundar skal fundargerð prentuð, lesin upp og undirrituð af fundarmönnum. Þá skulu oddviti/formaður nefndar og skrifarar/fundarritarar setja upphafsstafi sína undir hverja blaðsíðu fundargerðar og blaðsíðurnar tölusettar í áframhaldandi töluröð frá síðasta fundi. Undirritaðar tölvuskráðar fundargerðir skulu reglulega bundnar inn til varanlegrar varðveislu.

11. gr.

Um undirritun fundargerða fjarfunda.

Ef haldinn hefur verið símafundur undirritar sveitarstjórnarmaður/nefndarmaður sem ekki var viðstaddur á fundarstað, fundargerð á næsta fundi sveitarstjórnar/nefndar.

12. gr.

Trúnaðarmál.

Mál sem tekið er fyrir á luktum fundi skal skrá sem trúnaðarmál og færa í sérstaka fundargerðabók sveitarstjórnar eða nefndar. Ekki er nauðsynlegt að tilvísanir í færslur í trúnaðarmálalabók komi fram í fundargerð en gera þarf nauðsynlega tilvísun undir viðkomandi máli í skjalakerfi.

13. gr.

Um varðveislu fundargerða.

Skjöl og gögn sem verða til í starfsemi sveitarfélags, s. s. fundargerðir og önnur skráð fundargögn sveitarstjórnar og nefnda á hennar vegum tilheyra skjalasafni sveitarfélagsins og eru eign þess.⁴ Fer um varðveislu þeirra skv. gildandi lögum og reglum hverju sinni.

14. gr.

Heimild.

Leiðbeiningar þessar eru settar samkvæmt heimild í 19. gr. sveitarstjórnarlaga nr. 138/2011. Jafnframt fellur úr gildi auglýsing um sama efni nr. 977/2012.

Innanríkisráðuneytinu, 15. janúar 2013.

F. h. r.

Ragnhildur Hjaltadóttir.

Hermann Sæmundsson.

B-deild – Útgáfud.: 17. janúar 2013

⁴ Reglur um meðferð og varðveislu skjala er að finna í lögum um Þjóðskjalasafn Íslands nr. 66/1985 og reglugerð um héraðsskjalasöfn nr. 283/1994.

Rammskipulag fyrir þéttbýlisstaði innan friðlandsins á Hornströndum.

Vísað er á fyrri samþykktir aðalfundar LSG um sama mál, nú síðast á aðalfundi 2014 þar sem farið var fram á að Ísafjarðarbær hlutist til um gerð deiliskipulagsgerðar í helstu þéttbýlisstöðum í friðlandinu. Einkum horft til skipulagningu innviða eins og lega vega og gönguleiða, tjaldsvæða og lendingarstaða. Margt af þessu liggur fyrir en annað þarf umræðu með aðkomu sem flestra.

Umhverfis- og skipulagsnefnd Ísafjarðarbæjar tók jákvætt í erindi LSG á fundi 11. Júní 2014 og lagði til við bæjarstjórn að kanna gerð „Rammahluta aðalskipulags“ í samvinnu við UST og landeigendur. Engin formleg vinna hefur farið af stað svo vitað sé. Nú stýttist í endurskoðun á aðalskipulagi Ísafjarðarbæjar sem rennur út á árinu 2020. Mikilvægt er að hefja þessa vinnu sem fyrst og niðurstaða hennar verði nýtt við komandi endurskoðun.

Tillaga

Aðalfundur LSG, haldinn í Rvk 23 maí 2018 skorar á Ísafjarðarbæ og UST að hefja vinnu við rammskipulag helstu þéttbýliskjarnana í friðlandinu með því að ráða skipulagsverktaða sem hefði yfirumsjón með nauðsynlegri gagna- og teiknivinnu. Þ.e. að sýna innviði á heppilegum skýrum loftmyndum af hverju svæði fyrir sig sem auðvelt er að nýta fyrir nýjar hugmyndir sem nauðsynlegt er að fjalla um.

Aðalfundurinn leggur jafnframt til að Hornstrandanefnd verði falin yfirumsjón með þessari vinnu við rammskipulagsgerðina. Verklok skulu vera það tímalega að þegar vinna við aðalskipulag Ísafjarðarbæjar hefst, þá yrði hægt að afhenda uppdrætti af helstu þéttbýliskjörnum til frekari meðferðar í faghópum skipulagsgerðarinnar.



Viðfangsefni:

LSG. Adalfunden 2018

Dags:

Sóli R. Silbergsson, Reykjavík, Harkness

Z. H. VILHJÁLMSSON. SEÐÓL

Þorlögur Skifteins Angelds. Ból, Seðóli

HARSTEINNY HARSTEINSSON — " —

Emmi Svansson Jvadal Seðóli

Gylfi Magnússon — " —

Halldora Kristinsdóttir Seðóli

Ólafur Stefánsson Fjóturik

Þorvaldurinnar Látrar - Nedri Miðvik

Helgi Þorvaldursson Látrar - Nedri Miðvik

Sigrún Þorvaldsdóttir Látrar/Nedri Miðvik

Þórunn Sveinbjörnsdóttir Tranga Fjóturik

Gunnar H. Stefánsson Látrar Adalfund

Margrét Kálmunnur Látrar Fjóturik



Viðfangsefni:

Dags:

Venhard Gudnason

Jakobsson Gudnason

Haraldur Gudnason

Tófríður Guðmundsdóttir

Techent Guðmundsson

Sigurður Skarphéðinnsson

Sigrún Jónhanna Þórunn Jónsdóttir

Magnús Þorgeirsson

Óddur Hermannsson

Hermannsson Hermannsson



Viðfangsefni: _____

Dags: _____

Frjálfir A Friðriksson.
Jón Friðriksson
Guðmundur Páll Jónsson
Matthildur Is. Mútmundsd.
Þorvaldur Friðriksson
Þorleifur Vímsson
Jón Friðriksson
Guðm. Skalmund.
Birna Jóhannsd.
Frjálfir Stegsson